



უნმინდესი პატრიარქის კირილეს მილოცვა მიტროპოლიტ იოანიკეს, ჩერნოგორიის კათედრაზე აღსაყდრებასთან დაკავშირებით



მოსკოვისა და სრულიად რუსეთის პატრიარქმა კირილემ მიტროპოლიტ იოანიკეს (მიჩოვიჩი) ჩერნოგორიისა და პრიმორსკის მიტროპოლიტების კათედრაზე აღსაყდრება მიულოცა.

მის მაღალყოვლადუსამღვდელოესობას, მაღალყოვლადუსამღვდელოეს იოანიკეს, ჩერნოგორიისა და პრიმორსკის მიტროპოლიტს

თქვენო მაღალყოვლადუსამღვდელოესობავ, ძვირფასო მეუფეე!

გულითადად გილოცავთ ჩერნოგორიისა და პრიმორსკის მიტროპოლიტების ძველ კათედრაზე დადგინებას.

რუსეთის ეკლესია განგაშითა და მღელვარებით ადევნებდა თვალს ჩერნოგორიაში ბოლო დღეების მოვლენებს, ლოცულობდა მშვიდობის შენარჩუნებისა და ქრისტიანული სიყვარულის გამრავლებისთვის ჩვენს მოძმე მართლმადიდებელ ხალხში.

მიუხედავად გარე ზეწოლისა და გაჟღერებული მუქარებისა, სერბეთის უნმინდესმა პატრიარქმა პორფირემ, ჩვენმა უფლისმიერ საყვარელმა ძმამ, უშიშრად და გადაჭრით აღიყვანა თქვენი მაღალყოვლადუსამღვდელოესობა ისტორიულ და დიდებულ საყდარზე ცეცხლში. ახლა თქვენ, ისევე როგორც მისმა უნმინდესობამ, საქმით გამოავლინეთ ქრისტეს სიტყვის ერთგულება: „**მწყემსმან კეთილმან სული თვისი დადვის ცხოვართათვის**“ (ინ. 10:11).

თავისი მრავალსაუკუნოვანი ისტორიის მანძილზე ეკლესიამ ჩერნოგორიაში მრავალი განსაცდელი გაიარა. ყველაზე რთულ საომარ ვითარებაში, რელიგიური კონფლიქტებისა და სასტიკი დევნის პირობებში, ის უცვლელად ინარჩუნებდა სიმტკიცეს და რწმენის სინმინდეს, მაცხოვრისათვის განცდილი ვნებებისას ძალას იკრებდა, იყო მისი ღვთისმოყვარე ხალხის სული და ემსახურებოდა მას მტკიცე სულიერ და ზნეობრივ საყდრედ. დარწმუნებული ვარ, რომ თქვენი დიდებული და წმინდა წინამორბედების კათედრაზე თქვენ იქნებით მათი ღირსეული მემკვიდრე, კაშკაშა მანათობელი სამწყსოსთვის, რომელიც თქვენთან ერთად დაამონმებს სიმტკიცეს მამებისეული სინმინდეების, მართლმადიდებლური სარწმუნოებისა და ეკლესიის კანონიკური მონყობის დაცვის საქმეში.

ლოცვით ვუსურვებ თქვენს მაღალყოვლადუსამღვდელოესობას ღვთის შეწევნას მომავალ სამსხვერპლო მსახურებაში, ძლიერ სულიერ და ხორციელ ძალებს, ხოლო მთელ თქვენს ღვთისმოსავ სამწყსოს – მშვიდობასა და სიხარულს იესო ქრისტეში.

უფლისმიერი სიყვარულით

+ კირილე,

მოსკოვისა და სრულიად რუსეთის პატრიარქი